



Baibuli y'abaana bato
N'ekuhikyaho

Ruhanga obu
yahangire buli kintu



Ekahandiikwa: Edward Hughes

Ebisisani bya: Byron Unger; Lazarus

Ekatekanizibwa: Bob Davies; Tammy S.

Ekahindurwa: Rev. Canon. Samuel Mwesigwa

Ekaturukibwa: Bible for Children
www.M1914.org

©2012 Bible for Children, Inc.

Orusa: Oyina obugabe kukoporra rundi kuhandikisa oruganikyo
runu kakuba oba otarutunde.




Noha yatuhangire? Baibuli, Ekigambo kya Ruhanga,
kitutebeza entandiko y'oruganda rw'abantu. Omu
biro byaira, Ruhanga akahanga omuntu ow'okubanza
yamuruka ibara Adamu.




Ruhanga akahanga Adamu omu cuucu y'itaka.
Ruhanga obu yamuhuhiremu orwoya, Adamu yafooka
mwomeezi. Yayasanga omu rugonjo orurungi muno
orurukwetwa Edeni.



Ruhanga atakahangire Adamu, akaba amazire
kuhanga ensi enungi eijwirwemu ebintu ebirungi.



Nahonderaniza, akahanga obusozi n'ebyeya, ebyakyo ebirukuboya n'emiti eyeraihire, ebinyonyi by'ebyoya ebirukwangasana n'enjoki eziru kwehoimya, encu enkooto n'eminiongorozi. Mazima kwo, Ruhanga nuwe yahangire buli kintu kyona.




Okubanza kwa byona, Ruhanga
atakahangire kantu, nuwe wenka
akaba aroho. Hataroho bantu
rundi ebintu n'ebiikaro.

Hataroho kintu
kyona. Hataroho
kyererezi
n'omwirima.

Hataroho ifo
n'eruguru. Hataroho
ebya ijo n'ebya nyenkya.

Ruhanga wenka nuwe akaba
aroho, ow'ebiro byona.


Ruhanga nukwo kuhanga.



Okubanza
Ruhanga
akahanga iguru
n'ensi.




Ensi Ruhanga
akaba atakagihaire
mulingo kandi
etarumu kantu,
enyanja ekaba
eswekerirwe
omwirima.




Ruhanga akagamba
ngu "Habeho
okuhweza".




Okuhweza kwabaho. Okuhweza Ruhanga yakweta
nyamusana kandi omwirima yagweta kiro. Obwire
bwaira kandi bwakya kyaba kiro ky'okubanza.



Ha kiro kyakabiri, Ruhanga yateekaniza enyanja ebiijongo n'ebisaaru, naabiha kuteekaana hansi y'iguru. Ha kiro ekyakasatu, Ruhanga yagamba ati: "Habeho obwerre". Bwabaho.



Ruhanga yayongera kuragira ebinyansi n'ebyakyo,
irungu n'emiti kubaho. Obwire bwaira
kandi bwakya kyaba
kiro kyakasatu.



Nubwo Ruhanga yakora izooba
n'okwezi n'enyunyuzi nyigi muno
ezitasobora kubarwa. Obwire
bwaira kandi bwakya kyaba
kiro kyakana.




Yayongeraho yahanga
ebihangwa ebyomeezi
eby'omunyanja n'encu
hamu n'ebinyonyi. Ha
kiro ekyakataano
akahangiramu empuuta
enkooto n'ensonzi
entaito. Maaya
ez'amaguru garaihire
n'enyoriza ezizina
kurungi.



Ruhanga akahanga
ebika by'embaganiza
eby'encu kwijura
ebiyanja omunsi
n'ebika bingi
eby'enyonyi
zegondeze ha
bwerre, omu nyanja
n'omumwanya. obwire
bwaira kandi bwakya
kyaba kiro
kyakataano.



Hanyuma yeki, Ruhanga yagaruka kugamba naagira ati, "Leka ensi eijule ebyomeezi...." Ebisoro by'ebika byona n'ebihuka n'ebinyakwekurra byabaho. Habaho enjojo ezitengesa ensi n'obuwaisomba. Enkende na goonya. Eminiongorozi n'entwiga ez'ebikya ebiraihire n'obujangu obutekaine. Ebisoro by'ebika byona Ruhanga akabihanga kiro eki.




Obwire bwaira kandi bwakya
kyaba kiro kyamukaaga.



Ruhanga yakora ekintu eky'embaganiza ha kiro ekya mukaaga - ekikuru muno. Buli kintu kikaba kiroho habw'omuntu. Ruhanga yagamba, "Leka tukole omuntu asisane itwe. Aleme byona ebiri omunsi."

NUKWO RUHANGA
KUHANGA OMUNTU
ARUKUMUSISANA:
EKISISANI KYA
RUHANGA NIKYO
YAMUHANGIREMU ...




Ruhanga
yagambira Adamu.
"Olyege kyona
ekyorukwenda
mu rugonjo. Baitu
otalirya ha muti
ogw'okumanya
oburungi n'obubi.
Obw'oligulyaho
mananukwo olifa."




Mukama Ruhanga yagamba, "Tikiri kirungi omuntu kwikara wenka. Leka muhe omukonyezi." Ruhanga yaleetera Adamu ebinyonyi n'ebisoro byona. Byona Adamu yabiruka amabara. Kukora eki naasemerra kuba akaba ali w'amagezi. Baitu hagati y'ebi byona hakaburamu omukonyezi amusemeriire.



Ruhanga akaleetera Adamu oturo twingi muno. Yamusomoramamu igufa limu ery'orubaju, yakoramu omukazi. Ruhanga omukazi yakozire akaba ahikiire kimu kuba mukonyezi mali asemeriire Adamu.



Ruhanga akakora ebintu byona omu biro mukaaga. Nukwo ekiro kya musanju yakiha omugisa naakifoora kiro ky'okuhuumura. Omu Edeni, Adamu n'Eva mukaziwe, omukworobera Ruhanga baali baine okusemererwa okwijwire. Ruhanga akaba ali Mukama waabu, mugabiri waabu kandi munywani waabu.



Ruhanga obu yahangire buli kintu

Oruganikyo kuruga mu Baibuli,
Ekigambo kya Ruhanga

Nirusangwa omu

Okubanza 1-2

"Ekigambo kyawe kituleetera okuhweza."
Zabbuli 119:130



Kumalirra



Oruganikyo runu kuruga omu Baibuli nirutumanyisa nkoku Ruhanga waitu ahuniriza kandi agonza tumumanye.

Ruhanga amanyire nkoku twakozire ebintu ebibi, by'ayeta ekibi. Ekifubiro ky'ekibi kufa. Baitu Ruhanga akugonza muno, nikyo yasindikiire Omwana we, Yesu, okukufeera ha musaraba, abonesibwe ha bw'ebibi byawe. Hanyuma Yesu yahumbuuka kandi yagarukayo omuka omw'iguru. Bw'oikiriza omuli Yesu kandi akamusaba akuganyire ebibi byawe, aija kukikora. Aija kwija aikare omuri iwe, kandi naiwe oikarege nawe obwire bwona.

Bw'oraba noikiriza ngu kinu kihikire, gambira Ruhanga oti: Omugozebwa, ninyikiriza ngu oli Ruhanga, kandi okafooka muntu, nukwo ofe habw'ebibi byange, kandi okahumbuuka hati oyomiire. Nkusaba oije omu bwomeezi bwange, onganyire ebibi byange, nsobore kuba n'obwomeezi obuhyaaka, kandi kiro kimu nyije nyikare naiwe ebiro n'ebiro. Nkonyera nkwikirize kandi nkuhurrege nyomeere habwa we ndi mwaana waawe. Amiina.

Osomege Baibuli obazege na Ruhanga buli kiro. Yohaana 3:16

